



**Արեւմտյան Հայաստանի Ազգային ժողովի (Խորհրդարանի)
Նախագահության պարզաբանումը**

Որպես պարզաբանում «Արեւմտյան Հայաստանի Վտարանդի Կառավարության, Մայնց, Գերմանիա» ինքնակոչ կառույցի կողմից՝ 05.08.2014-ի «Կառավարության 20 պատգամավորներին Արեւմտյան Հայաստանի Ազգային ժողովից հետ կանչելու վերաբերյալ» հարցադրման, նշենք.

ա/ Արեւմտյան Հայաստանի Ազգային ժողովի նշյալ պատգամավորները, ի դեպ՝ ոչ թե 20, այլ 21, իսկապես Արեւմտյան Հայաստանի Վտարանդի Կառավարության (վարչապետ՝ Տիգրան Փաշաբեգյան) կողմից առաջադրված եւ 2013-ի նոյեմբերի 22-30-ը կայացած ընտրություններին 17.155 ընտրողների կողմից ընտրված պատգամավորներն են, որոնք իրականում կապ չունեն Մայնցի ինքնակոչ կառույցի հետ եւ չեն կարող որեւէ մեկի կողմից հետ կանչվել:

բ/ Հիշեցնենք, որ Արեւմտյան Հայաստանի Վտարանդի Կառավարության (վարչապետ՝ Տիգրան Փաշաբեգյան) կողմից առաջադրված 21 պատգամավորներից 8-ը իրենց մանդատները վայր են դրել դեռեւս 2014-ի մարտ ամսին եւ դրանից հետո Արեւմտյան Հայաստանի Վտարանդի Կառավարության մեջ պաշտոններ զբաղեցնելու կապակցությամբ: Այդ պատգամավորներն են՝ Տիգրան Փաշաբեգյան, Կարինե Հայրապետյան, Արմենուհի Պետրոսյան, Արամ Հարությունյան, Մարտիրոս Շահբազյան, Արամ Մկրտչյան, Փառանձեմ Շահբազյան, Հրաչ Փիլիպոսյան:

գ/ Ավելին, այս խմբում ընդգրկված պատգամավորները սեփական դիմումի համաձայն՝ դուրս են եկել նաեւ Արեւմտյան Հայաստանի Ազգային Խորհրդի եւ Արեւմտյան Հայաստանի Ազգային Խորհրդի Իրավաբանական հանձնաժողովի կազմից, որի աշխատանքները խաթարվեցին 2014-ի հունվար-փետրվար ամիսներին: Այդ հանձնաժողովը կարելուքով եր, որպես քննարկումների եւ որոշումների կայացման միասնական հարթակ եւ որի աշխատանքների խաթարումը հետագայում Արեւմտյան Հայաստանի Վտարանդի Կառավարության բնականոն աշխատանքների խաթարման եւ վեցամսյա կառավարման ճգնաժամի պատճառ դարձավ:

դ/ Արեւմտյան Հայաստանի Վտարանդի Կառավարության (վարչապետ՝ Տիգրան Փաշաբեգյան) կողմից առաջադրված 21 պատգամավորներից եւս 5-ը հետագայում վայր են դրել իրենց մանդատները Արեւմտյան Հայաստանի Վտարանդի Կառավարությունում (վարչապետ՝ Տիգրան Փաշաբեգյան) եւ Արեւմտյան Հայաստանի Հանրապետության Նախագահական ինստիտուտում աշխատանքի անցնելու կապակցությամբ: Պատգամավոր ընկերներից մեկը՝ Լյուդվիգ Պետրոսյանը, վաղաժամ մահացել է:

ե/ Մնացյալ 7 պատգամավորները շարունակում են իրենց աշխատանքը Արեւմտյան Հայաստանի Ազգային ժողովի Մշտական հանձնաժողովներում, որոնցից երեքը Խորհրդարանի Նախագահության անդամ են:

**Արեւմտյան Հայաստանի Ազգային ժողովի (Խորհրդարանի) Նախագահություն
11.08.2014 թ.**